

【擲牙齒】張旭英原作

七、八歲堵好係換牙个時節，舊个牙齒𠵿𠵿¹，新牙既經暴出來咧，該斯係人講个生豬哥牙，準講恁堵好又係頭前个當門牙，若講無先同舊牙擲撇，一來驚怕會影響著綻牙，二來細阿妹門面斯會蠟²都看毋得。

斯恁泥，第二日吾爸帶佢坐巴士去牙科擲牙齒，還記得愛去擲牙齒个前一暗晡，吾姆遽遽用厥該臺裁縫車，趕緊同佢做一身洋裝，講愛分佢好著去街路擲牙齒。毋知係毋係著新衫心肝頭歡喜，對黏時愛擲牙齒个緊張，試著較毋會恁驚咧，到先生該位，護理師先同佢注痺射，先生一下斯擲撇吾四支舊牙，過後護理師喊佢出力咬核斷血个棉，痺藥𠵿過，試著也無已疾。坐有一下咧，護理師斯喊講使得轉去咧！拿好藥包交待講係止疾藥，實在當疾，疾都佇毋著正愛拿來食，準講會試著毋爽快，斯愛倒轉來分先生看。

佢跔在吾爸个尸背尾，準備愛行去赴車枋，耶！仰毋係行去

¹ 𠵿𠵿：音 mangˋ ludˋ pedˋ；還沒從附著的物體上掉下來。

² 蠟：音 zheˋ；形容醜陋的樣子。

車頭个方向，佢還無法度講話，用手揪吾爸衫腳提醒阿爸行毋著咧，指對車頭該片，吾爸笑咪咪講，偲兩儕先來食一碗冰正去坐巴士。臨尾佢正知，食冰係驚麻痺藥過撇開始會疾，吾爸也知得棉一拿撇定著會流血，食冰暫時使得止血止疾。該碗冰係清冰，白雪雪个冰淋一屑烏糖水，該冰冰涼涼又甜甜个味瑞，佢久久記得。過後過點清冰來食，嘎尋毋著當時該種味瑞咧。

擲撇四支牙齒个佢，跔核吾爸歡歡喜喜食冰，又安安心心坐巴士轉屋家，毋知續落來還有愛面對个事情，第一係暫時使毋得食硬飯，單淨食得糜同大麵，第二少撇四支牙暫時會變都當歪看，會分人笑「缺牙耙」。仰結煞正好呢？該央時𠵿有嘴措³好落，高不將嘴密密⁴莫講話，斯毋會分人看著吾牙齒少撇四支，還有食糜、食大麵，驚怕愛食一站時間哩啲！

這下吾當門牙生來又齊又正，除撇愛勞瀝吾爸个智慧之外，還有吾姆做一身新衫分佢，分當少出門个佢增加信心有勇氣，使得勇敢去面對擲牙齒个事情。

³ 嘴措：音 zhoiˋ emˋ；口罩。

⁴ 嘴密密：音 zhoiˋ miˋ miˋ；閉著嘴巴。

【大箍牯減肥記】曾菁怡原作

「哇！歸桌恁多好料！汽水、餅、披薩、雞卵糕、枝冰，還有佢盡好食个焗菜、雞髀。」佢看都無瞞目，口涎水硬硬會跌落來咧，該兜好料已像同佢攞手講：「遽遽來食，遽遽來食哦！」佢遽遽擎一支香噴噴个雞髀，該油臘油臘个皮焙去赤赤赤，肉汁汀汀汀汀，實在還錫人食哪！佢嘴擘大大，正愛咬落去該下，噯聽著：「大箍牯，還毋䟽床？讀書會赴毋掣咧！」好料一下毋見撇咧，原來，係發夢啊！佢有一屑毋甘願，該雞髀無咬著，實在還打爽哪！

聽吾姆講，佢自細斯已好嘴斗，生來肥漬漬，肉菜好白浮¹，真得人惜。阿太盡愛捏吾面頰卵，講像正打好个粢粑，分人想愛咬一口。原旦佢試著肥律律个身材也無麼个毋好，毋過該擺見笑个經驗，分佢堅心愛減肥。

該日學校舉辦校慶活動，吾班級表演「三隻豬子」个話劇，佢擔任豬大哥个角色。在節目進行到豬大哥同豬二哥為著走閃大野狼，愛去豬老弟厥屋家園該下，為著愛製造緊張个氣氛，佢盡

命走過去，想愛鑽入豬老弟厥屋肚。哪會知，一下使忒大力，豬老弟个屋嘎分佢撞橫撇，還仆在屋頂，尸肱孔去半天高，絀繃繃个褲嘎弓暴撇……一下那，鬧熱濟借个禮堂玄玄風嘎恬芍芍，單淨聽著自家心臟砰砰滾个聲，額頭流落來个汗水，逐點都分佢試著……實在還見笑哦！愛仰結煞正好？臨尾，有人出聲同佢解圍咧，佢遽遽企䟽來行到舞臺脣換褲；該聲說，毋係佢期待个拍手聲，係大家笑去歸身緊顫、目汁掙毋離个笑聲。

校慶結束該日，桌頂个乳茶、雞排做下分佢擲落垃圾桶肚，第一擺佢恁有決心，想自家絕對愛減肥成功。佢去網路尋減肥个方法，大體係講愛減量、減油、減糖，還愛配合適當个運動，因致該兜油埕埕个焗菜、甜滋滋²个汽水、糖全部分佢拒絕，逐餐飯菜盡量都食較清較齋兜，飯食七分飽斯好，還過逐日運動三十分鐘，行路、打球、跳索……間緊做。

一個月過後，吾姆帶佢去買新衫褲，逐領尺寸都減兩號，阿姆講：「從今以後使毋得過喊你『大箍牯』咧。」「係啊！你愛喊佢『派頭哥』哩啲。」

大箍牯減肥，成功！

¹ 白浮浮：音 pag`peu`peu；白嫩嫩。

² 甜滋滋：音 tiam`zi`zi；非常地甜。